

卷二

書名 太平經國之書十一卷首一卷 嘉靖二十七年仁和芮氏刊本
 撰者 宋 鄭伯謙 撰，明 陳曉 校
 卷 卷二
 內容分類 經-禮-周禮-宋
 索書號 大木-經部-禮類-12
 編號 A192000

彩色首頁1

東洋文化研究所漢籍目錄 編號: A192000

東洋文化研究所漢籍目錄所藏漢籍善本文影像資料庫 索書號: 大木-經部-禮類-12

漢籍善本文影像資料庫文本太平經國之書十一卷首一卷 嘉靖二十七年仁和芮氏刊本

版權所有: 東京大學 東洋文化研究所

使用上的注意事項

太平經國之書卷之一

教化論六典以為民極

永嘉鄭伯謙著後學陳曉校正



或謂周公之序六典也辨方正位體國經野設官分職之
 下每終之以為民極此特建國之始耳未見其有與于民
 也豈可以遽取極于此哉曰先王之教天下未始有精粗
 本也司徒一官名曰教典自今職職而攷之六十
 官大抵皆分畫鄉遂整理田疇征歛財賦職掌山澤
 井門閔之事師田行役祭祀喪紀冠昏鄉射之法
 而巳如鄉大夫州長族黨之職則不過屬民讀邦法師

大者則無不合然在其掌握之中也蓋古者三公無官惟與天子坐而論道故設六卿以分主六典而三公實統之三公既無冢宰則六卿之六典非冢宰而誰建耶此事權之所以合于一而國家所以無多門之政自漢以來則失之矣有三公又有六卿而丞相御史未嘗行九卿事觀武帝時桑弘羊等致利王溫舒之屬峻法倪寬等推文學九卿更進用事不關決于丞相而大臣之權盡去矣嗚呼人君之爲天下如欲稽古正名而使事權之合於一苟舍周官未有不泛然無統者矣

太平經國之書卷之一

太平經國之書卷之二

永嘉鄭伯謙著後學陳曉校正

官民論二典官府萬民

或問周有三公有六卿今太宰經理邦國其職則治官府而紀萬民事權之重如此其所以異於三公者如何也曰三公論道燮理而已不親治也况當是時三公既兼太宰則治之事權非大宰典而誰專之太宰建邦六典余嘗論之矣此不復述也太宰之所當論述者則其所主之百官萬民耳然太宰實專主百官司徒實專主萬民學周禮者苟得其說焉則二官節目皆可以迎刃而解也且禮刑政

事之典均曰百官而獨于治典則曰以治官府以紀萬民於教典則曰以教官府以擾萬民變百官而言官府說者以爲天地二官不拘其數所以尊之也是則然矣而未究其大旨也周官之書曰冢宰掌邦治統百官均四海司徒掌邦教敷五典擾兆民前有六典後有周官皆周公所作也六典則合官民而並職之周官則分官民而各掌之何也治道之要莫切于張官而置吏也官吏不職則治道爲之不振立國之本莫切于愛民也民生不遂則國本爲之不立是以太宰專主百官凡其八法之所治八柄之所馭歲終之所廢置三歲之所誅賞凜凜然有不可犯者故雖

六卿各率其屬而趨事赴功之際聳動警飭而不敢不免者無非所以奉冢宰之治也司徒專主萬民凡其十有二職十有二政十有二教三物之教五禮六樂之教斷斷然有不敢忽者故雖六卿各主一卿而聯事合治之際纖悉瑣碎而不敢不盡心者無非所以奉司徒之教也司徒太宰是以獨曰官府而小宰爲之貳宰夫爲之攷一則曰官府二則曰官府也府之爲言百官之所摠而萬化之所關也雖然九職九兩太宰非無與于民也特紀綱其大者而已命卿論秀司徒非無與乎官吏也特教養之於初而已六典合而言之周官分而言之二書蓋相爲表裏也成

周之治大抵自上而達于下自內而推于外端本以澄源
詳近而畧遠故六卿各主一卿一公則率二卿且太宰司
徒當時既以二公兼之其外四卿意當時亦必以此二公
率之一以率畿內之官一以率畿內之民本立于上而未
自舉于下治教行于王畿之近而若吏若民自風動乎四
方萬里之遠所謂正朝廷以正百官正百官以正萬民正
萬民以正四方四方正遠近莫敢不一于正天下之大舉
無異乎一堂之上所謂行法自貴始王化自近始建首善
自京師始其道蓋如此也周衰此意不存六卿分職不足
以倡九牧而阜兆民邦畿千里不足以正萬民而假四海

亂發于上而禍及于下本實先撥而枝葉受其害成王周
公體國經野設官分職以爲民極之政靡有子遺矣夫世
未有誅賞不行于百官而能使百官戒懼不敢易紀律者
未有生聚教訓勸相勞來不加於民而能使海內革心易
慮以聽上之所爲者穆王欲興文武成康之治雖未見其
能復還太宰之職而命君牙以爲周大司徒又命伯冏以
爲周太僕正而正于羣僕侍御之臣攷之周禮太僕傳言
於宰夫而宰夫聽命於太宰此不可謂不知本矣厲王板
蕩無綱紀文章陵遲至于幽王厲階之生實起于二官之
失職故家伯爲宰番維司徒詩人疾而刺之而十月之交

之詩所以作也然則後世欲復成周之治當先治官與教
民欲無一官之不職無一民之不善當先復太宰與司徒

官刑論官府都鄙法則

或問周官一書成王所以勸其羣臣者寬厚溫和惟恐其
或傷周禮之一書成王所以馭其羣臣者嚴厲督責惟
恐其或敗事何也曰勸之之辭徒詳而治之之法不繼則
無以登聰而起其怠人情於此亦未必有退聰而從命者
是故內而官府凡治教禮刑政事之屬外而都鄙凡王子
弟公卿大夫之衆皆有法則以治之蓋貴有常尊賤有常
卑賤者不嫌于無法故未嘗忘教貴者不嫌於無教故行

法必自貴者始夫是以官刑之所糾官計之所弊舉辨會
聽經正之別刑賞祿位廢置之馭凜若秋霜隱若雷霆不
可犯也曰法曰則其名雖異其用則同而或者則以為詳
法而畧則所以詳內而畧外猶禹貢綏服三百里曰揆文教
要服二百里曰蔡也噫先王之治天下固有詳畧之不同
而千里之王畿三等之采地未遽畧也八法以治官府既
見于太宰而六叙六屬以下復逮于小宰是官府之治固
詳也宰夫掌治法以攷百官府郡都縣都之治司會掌六
典八灋八則之二以逆邦國都鄙官府之治則都鄙之治
豈得以為畧乎且獨不見祭祀以馭神乎先王設禮樂教

化刑罰慶賞不獨以經理其生民雖幽而鬼神無不及焉
是故順成之方八蜡乃通有功者無不報也犧牲既成粢
盛既潔旱乾水溢則變置社稷無功者不可奪也彼其幽
而無形深而不可攷曖昧恍惚而難及以政者先王不敢
不致其詳焉而况於為吾之官吏乎是故都鄙之治所謂
法則以馭其官者即官府之八法也所謂祿位以馭其士
者即官府之六叙也其餘廢置刑賞莫不皆然觀先王之
治都鄙夫亦自其所難及者觀之耳日月寒暑堯秩序
而賓餞之江河淮海禹疏導而平治之天地之大也先王
猶及以政曾謂官府都鄙而遽有詳畧之分乎謂詳灋而

不則詳內而畧外不能觸類而觀之者也不足與論先王
之治

攬權論八柄八統詔王

或問太宰王群吏司徒主萬民而吏民之事太宰又得以
兼行之天下萬務無不在掌握中而八柄馭臣八統馭民
太宰必以詔王何也曰九邦之小治則冢宰聽之柄謂權
柄之大也統謂統馭之大也出乎法令之外而行乎操縱
闔闢之間是非人臣之所得為也蓋聖人之道有經有權
經者法之常而權者灋之變使聖人之為天下一切聽於
法而無操縱闔闢之權以變通之則吾之爵祿生殺有時

而窮而人情取必之餘亦有時而玩是非可常之道也故
自八柄而言之有德者宜貴也或無爵而未貴有功者宜
富也或無祿而未富非所可予而有私恩之施以為幸非
所可赦而有私羨之免以為福置之尊貴而使自愛奪其
榮富而使貧窶罪戾過而或止于廢過輕于罪而或抵
于誅此皆人主之所用以為聳動天下之具而不使人有
自必之心者也自八統而言之親故賓客固當敦敬而尊
禮賢能勲貴固當任使而保護然恃恩者常易驕恃才者
常易傲而服勤盡瘁之士亦不能無累日取貴之心今也
親親夫已而賢賢繼之尊尊貴貴未已而天下繼之內朝

序齒忽變而序爵于外朝投壺燕躬序賢或變而序官于
宗廟不拘于一而迭出于八此又人主之所用以為轉移
變化之術而不使有自恃之心也施不測之恩用不測之
威我可以取必于人而人不可以取必于我使一世之人
皆有以奔走而畏慕而不得以邀特而固必暫出于我而
天下之人被之者鼓舞而喜慘怛而悲此豈非權柄經御
之大者乎太宰雖尊人臣也如使人臣而亦得以擅權柄
專統御擺落平法今而雜用乎經權則繩墨廢而法守亂
末流之弊將至于蕩然自肆誣上行私之人皆得藉口以
專其欲矣周公所甚慮也其大者歸于王而其小者則守

於冢宰其權而變者歸于王而其經而常者則守于冢宰
若內府供王之好賜予及冢宰之好賜予此好賜予之常
者也若司會以周知四國之治以詔王及冢宰廢置此廢
置之常者也若小宰之六叙以正其位以置其食此祿位
稍食之常者也若表記言周人之親而不尊祭義言周人
貴親而尚齒此親親之常者也太宰守其常故其待百官
萬民有一定之法人主用其權故其疾速進退皆在我而
百官萬民不得執灋以要其君雖然權固人主之所得用
也而必待太宰之詔此亦慮其所終而稽其所弊矣君相
之間相濟而相維持者如此成王周公之世王朝之上所

以無一官之不盡其職而王畿之內所以無一民之不入
於善也蓋天下之人見太宰必然之法則不敢以不自盡
見人主或然或不然之權則內不敢以自恃外不敢以自
必激昂振厲惟知自強於為善而已昔者嘗觀諸夏商與
齊魯是事則大異於周矣蓋夏后氏先賞而後討親而不
尊其民之敝至于蠶而愚喬而野朴而不文商人先討而
後賞尊而不親其民之敝至于蕩而不靜勝而無耻及太
公治齊舉賢而尚功周公曰後世必有無蠢之臣周公治
魯親親而尊尊太公曰後世浸衰矣蓋齊之所為無以異
於商而魯人之治則夏后氏之治者矣用必然之賞用必

然之罰必親親必尊尊必舉賢而尚幼取其一定者而固
守之其末流固至于此此宜周公之所懲也為之定法以
自守于其下使人主時用其意而操縱闔闢于其上上下
相與出于必然不然之中然後可以接厲人心於無窮

太平經國之書卷之二





東洋書局
圖書部